



Uunga siunnersuut: Utoqqalinersiaqarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut, aamma siusinaartumik pensionisiat pillugit Inatsisartut inatsisaata allanngortinneqarnissaanut siunnersuut.

(Isumaginninnermut, Suliffeqarnermut Nunamullu Namminermet Naalakkersuisoq)

Siullermeerneqarnera

Utoqqalinersiaqarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut, aamma siusinaartumik pensionisiat pillugit Inatsisartut inatsisaata allanngortinneqarnissaanut siunnersuut Naalakkersuisuniit saqqummiunneqartumut Naleqqamiit imatut oqaaseqaateqassaagut.

Utoqqalinersiaqarneq pillugu taamatullu sulisinnaajunnaarnersiuteqarneq pillugu pisartagaqarneq uani inatsissami siusinaartumik pensionisianik taakkartorneqartoq aammaarluta Naleqqamiit kaammattuutigeqqissavarput kalaallisut oqaasertalerlugu ataatsimiititaliamit nalilersorluarlugu aaqqiiffigineqarluni suliarineqarnissaa.

Naleqqami utoqqalinersiaqarneq pillugu taamatullu siusinaartumik utoqqalinersiaqarneq pillugu politikkeqarnerput ersarilluinnartumik saqqummiuttuarsimavarput aammalu qineqqusaarutaaginnaratik qanoq iliuuseqarnissamik noqqaasanarnitsinni maannakkut kiisami alloriarneq siulleg pileraluttuarpoq 1. Juli 2022-.imi atuutilersussami.

Alloriarneq siulleg maannakkut utoqqaat atugaasa ukiumoortumik pitsanngoriaataasumik alloriarfiunera ukiumut 30 mio. kr.-inik naleqassaaq ukioq manna, taamaasilluni ukiup affaanut 15. mio. kr. aningaasamut inatsisissamut immikkoortitsisoqareerpoq taamaasilluni alloriarneq siulleg qulakkeerneqareernikuulluni.



Naleraq

UPA2022/25
Jens NapätôK'

Naleqqamiit alloriarnertut siullertut taasatsinni tunngavisumik tunniunneqartartut utoqqalinersialinnut tamanut pitsanngoriataasumik tunniunneqartartut amerlineqassapput,

tamannalu aqqissuunneqarluni aappariittut illugiilluni pilersuisussaataitanermit sunniuteqanngitsumik.

Taamaasilluni alloriarnermi uani siullertut taasatsinni utoqqalinersialinnut kisimiittunut aappariinnullu pisortanit utoqqalinersiat ukiumut 9.000 kr.-nik amerlineqassapput.

Taamatullu siusinaartumik sulisinnaajunnaarnersersiteqartut sulisinnaassusikinnerpaanut tunniunneqartartartut ukiumut 5.660 kr.-inik amerlineqartussaallutik uani alloriarnertut siullertut taasatsinni.

Taamatullu siusinaartumik sulisinnaarnersiteqartut aappaqarsimaguni aappaasup siusinaartumik suliunnaarnersiutaanut ilanngaataqanngitsumik isertitaqarsinnaaneranut ukiumut 10.000 kr.-nik aamma ilaneqarput.

Taamatullu aqqissuussinermi siusinaartumik sulisinnaajunnaarnersiutillit ilanngaanneqanngikkaluarlutik sulisinnaanerat periarfissarissaarnerulissaaq.

Naleqqamiit alloriarneq nuannaarutigaarput kiisami qineqqusaarutaannaanni qanoq iliuseqarneq alloriarneq siulleq pimmat. Utoqqarnut pitsanngorsaanerit naleqqussaanerit alloriarneq siulleq pillugu taamatut oqaaseqarluta siunnersuut ataatsimiititaliamut susassaqtumut ingerlateqipparput.